

Društvena kohezija



Društvena kohezija je društveni izazov koji zahtijeva strateški pristup i angažovanje brojnih aktera. Unapređenje kohezije u zajednici, kontinuiranim angažovanjem aktera civilnog društva i vlasti u provedbi lokalno izrađenih akcionih planova za jačanje kohezije u zajednici, centralni je fokus angažmana Misije OSCE-a u Bosni i Hercegovini u ovoj oblasti.

Misija je prepoznala značaj ulaganja u jačanje društvene kohezije u BiH, posebno na lokalnom nivou, i angažovana je na ovom polju još od 2013. godine. Primarno, rad Misije na izgradnji društvene kohezije doveo je do osnivanja koalicija protiv mržnje, neformalnih grupa organizacija civilnog društva i aktivista koji se bave osuđivanjem i reagovanjem na

incidente motivirane mržnjom i predrasudama te zajedničkom organizacijom aktivnosti na društvenoj koheziji specifičnoj za određene zajednice.

Trenutno Misija saraduje sa 10 koalicija širom države. Pored osude incidenata počinjenih kako bi se širio strah u lokalnim zajednicama, rad Misije se intenzivirao u zadnjih par

godina i obuhvatio aktivnosti na izradi lokalno prilagođenih strateških dokumenata za bolji sistemski i održiviji pristup osiguranju društvene kohezije. Dokumenti se nazivaju akcijski planovi za jačanje kohezije u zajednici i izrađeni su zajednički sa lokalnim vlastima prema specifičnim potrebama svake zajednice, na osnovu glavnih rezultata anketa o društvenim istraživanjima koje su provele istaknute organizacije civilnog društva.

Rad Misije usmjeren je na jačanje ustrajnosti predstavnika civilnog društva i utjecaja aktivnosti koje se obavljaju na polju društvene kohezije, kroz njihovo aktivno učešće u izradi i provedbi lokalnih politika rada. Istovremeno, Misija radi na odgovornom angažmanu javnih zvaničnika

na trajnom uključivanju civilnog društva u rješavanje strateških i svakodnevnih pitanja u svojim lokalnim zajednicama.

Misija je posvećena izgradnji saradnje i koordinacije između ključnih aktera koji igraju važnu ulogu u održivosti lokalnih i društvenih aktivnosti kohezije između zajednica i sprječavanju incidenata i krivičnih djela motivisanih mržnjom i predrasudama.

Akcionni planovi za jačanje kohezije u zajednici su dokumenti koje su, uz pomoć Misije, izradile lokalne vlasti u partnerstvu sa organizacijama civilnog društva i članovima koalicija za borbu protiv mržnje. Takvi planovi pružaju osnovne informacije o zabilježenim slučajevima incidenata počinjenih iz mržnje, definiraju

nosiocima aktivnosti u lokalnim zajednicama, prezentiraju prethodne aktivnosti i jasno definišu radnje (uključujući odgovorne strane, budžete i vremenske okvire) koje je potrebno poduzeti kako bi se povećala društvena kohezija u zajednici i spriječilo ponavljanje incidenata.


Misija podržava strukturalnu reviziju koalicija za borbu protiv mržnje u smislu unapređenja njihovih internih procedura angažmana, jačajući na taj način njihov položaj i integritet u lokalnim zajednicama. Ovo pruža validnost koalicijama u uspostavljanju dijaloga sa lokalnim vlastima i nastavlja poticati veće uključivanje lokalnih vlasti u aktivnosti društvene kohezije.

Misija pruža organizacijama civilnog društva i pojedincima, uključujući koalicije za borbu protiv mržnje, mogućnosti za izgradnju kapaciteta o pitanjima koja su prethodno identificirana u saradnji sa zainteresiranim stranama u lokalnim zajednicama. To uključuje upravljanje projektima, monitoring i analizu društvene kohezije, medije i komunikaciju te zagovaranje. U posljednjih nekoliko godina, aktivnosti na izgradnji kapaciteta imaju za cilj povećati znanja i sposobnosti organizacija civilnog društva i članova koalicija na polju provedbe istraživanja o temama vezanim za društvenu koheziju. Glavni cilj ovoga jeste da se uvede planiranje utemeljeno na dokazima kada su u pitanju aktivnosti na jačanju društvene kohezije na lokalnom nivou.

Aktivnosti organizacija civilnog društva na polju društvene kohezije te prevencije i osude incidenata motiviranih mržnjom i predrasudama, zahtijevaju vidljivost. Zato Misija pruža podršku u uspostavi komunikacijskih kanala koji nude platformu za pozitivne priče. To uključuje kreiranje i administraciju web stranice www.supergradjani.ba, kao i Facebook, Twitter i Instagram naloge koji su također povezani s nazivom Supergrađani/ Supergrađanke.

Aktivnosti Misije na izgradnji i jačanju društvene kohezije osiguraće bh. društvu kapacitet potreban za rad na dugotrajnoj dobrobiti svojih građana, uključujući odgovorno učešće pojedinaca u društvu, ravnopravan pristup dostupnim resursima te poštivanje ljudskog dostojanstva i različitosti.

Za više informacija
skenirajte QR kod.



Misija OSCE-a u Bosni i Hercegovini

Fra Andela Zvezdovića 1, UNITIC Toranj A
71000 Sarajevo
Bosna i Hercegovina

Tel: +387 33 952 100
Fax: +387 33 442 479
press.ba@osce.org
www.osce.org/bih

Pratite Misiju OSCE-a u BiH

